



好笑神得人疼

這幾年，全國語文競賽的閩南語演講比賽，捌出現一个演講題目，就是「好笑神得人疼」。雖然演講講的題目有事先公佈，題目的意思嘛真清楚，演講內容攏有指導老師替學生因仔事先寫好，毋過，參加演講的人，無定著是傷緊張的款，大多數的人攏是一个面仔懊嘟嘟，一點仔都無好笑神，兩蕊目睷閣攏四界烏白翹，就干焦毋敢對替個咧評分的評判退去，比賽的成績當然嘛袂蓋好。

現此時，真少人無咧用手機仔。手機仔差不多攏有翕相的功能，欲翕相誠利便。翕相的時，攏會叫人喝出「Ya……」、「Ye……」、抑是用華語講『地瓜葉的葉……』佻算數目『五、六、七……』，通來表現出開喙笑的喙尾形，翕出來的相看起來就會較嬌，這攏是咧說明笑面是較好看相的。人講：「伸手無拍笑面人」，抑是講：「歹拳袂拍笑面人」，攏是咧講咱若用笑面來面對別人，是較會受人歡迎的，除了會予家己的表情看著較輕鬆，嘛予別人對咱會較友善。

咱若講著好笑神得人疼，定定會閣繼一句「懊嘟嘟面通人驚」。若講著通人驚，無定著有較過頭淡薄仔，毋過，看著有影是無啥好看相。啥貨是懊嘟嘟面咧？上淺現的就是面仔看著烏昏烏昏，規个人攏啾啾，無啥欲插人的款，看著一層仔都無春風。閣較害的是喙脣仔翹翹，若親像逐个人攏欠伊袂少的款，何乜苦咧！咱若踮佇高鐵、臺鐵、捷運、抑是公車面頂，看著的差不多攏是這款面腔。

這幾年來，國內外攏有真濟團體咧提倡「愛笑的運動」，講「愛笑」是會予人身體健康、精神好的好代誌，毋過個多數攏是咧推揀「大聲笑出來，笑愈久愈好」，就我所知，參加的多數攏是較有歲的人，少年人就較少。咱所希望看著的當然毋是奸臣仔笑，顛倒是對內心所表現出來平安喜樂的微微仔笑，至少嘛有彼款真正欲笑欲笑的喙尾形。

作者：陳憲國

☆詞彙學習☆

- | | |
|-----------------------------------|----------------------------|
| 【好笑神】hó-tshìò-sîn：形容人神態愉悅，經常面帶笑容。 | 【何乜苦】hô-mih-khóo：何必、何苦。 |
| 【無定著】bô-tiānn-tiòh：說不定、有可能。 | 【較有歲】khaḥ ũ-huè：較年長。 |
| 【懊嘟嘟】àu-tū-tū：臉臭臭的。 | 【烏昏烏昏】oo-hng-oo-hng 臉色暗晦狀。 |
| 【好看相】hó-khuànn-siùnn：較為中看。 | 【啾啾】hnh-hnh：指悶不作聲、不吭聲。 |
| 【過頭】kuè-thâu：過份。 | |

文法學習☆

【烏昏烏昏】「臉色暗晦狀」，閩南語的疊詞非常豐富，在形容詞方面，兩字疊詞表示弱化原意。例如「清氣清氣」表示還算乾淨。此時第一個「氣」需變調，不能唸本調。要表達「很乾淨」時，則可在「清氣」之前加上「誠」、「足」、「有夠」或「蓋」，或改用表示強化的重疊形式「清清氣氣」。